

Evening Dogri (NSD)

21-07-2024

1915 hrs

खबरां :-

- 1 संसद दे बजट सत्र सोयां पैहले सरकार नै सर्वदलीय बैठक सही।
- 2 प्रधानमंत्री नरेंद्र मोदी होर अज्ज संज्ञा नमीं दिल्ली च विश्व विरासत सरबन्धी समिति दा उद्घाटन करा रदे न।
- 3 केरल च 14 बरे दे इक बच्चे दी निपाहू थां संक्रमित होने परैंत मौत होई गई।
- 4 सीबीआई नै नीट-यूजी पेपर लीक मामले च त्रै होर लोकें गी गिरफ्तार कीता।
- 5 महिलाएं दे एशिया कप टी-20 क्रिकेट च भारत नै यू.ए.ई गी 78 रन कन्नै हराया।

<><><><><><>

All Party Meet

कल्लै थां शुरू होआ रदे संसद दे बजट इजलास थां पैहले सरकार नै दौनें सदनें दी कार्रवाई दा सुचारू संचालन यकीनी बनाने आस्तै अज्ज सर्वदलीय बैठक लाई। बैठक दौरान संसदीय मामलें दे मंत्री किरें रिजिजू होरें संवाददाताएं कन्नै गल्ल करदे होई आखेआ जे सरकार कुसै बी मुद्दे पर खुल्लै मनै कन्नै चर्चा आस्तै तयार ऐ। उनें आखेआ जे संसद गी सुचारू ते बवस्थित ढंगै सिर चलाना सरकार ते विपक्ष दौनें दी जिम्मेदारी ऐ। रिजिजू होरें बैठक च अच्छे सुझा देने आस्तै सदन च दलें दे नेताएं दा धन्नवाद कीता। उनें सब्बनें दलें सोयां बजट सत्र दे सुचारू संचालन च सहयोग देने दा आग्रह कीता। बैठक च हिस्सा लैने आहलें च केंद्री मंत्री राजनाथ सिंह, किरें रिजिजू, अर्जुन राम मेघवाल, जे.पी नड्डा, चिराग पासवान, रामदास अठावले, कांग्रेस नेता जयराम रमेश, गौरव गोगोई, एनसीपी नेता प्रफुल पटेल, डीएमके नेता टी.आर बालू ते तिरुची सिवा, आम आदमी पार्टी नेता संजय सिंह, AIMIM सांसद असरुदीन ओवैसी ते होरनें मजूद हे। संसद दा बजट सत्र कल कोलां शुरू होआ रदा ऐ। खजाना मंत्रीनिर्मला सीतारमण होर संसद च आर्थिक सर्वेक्षण गी रक्खंगन। एह प्रधानमंत्री मोदी हुंदे त्रिये कार्यकाल दा पैहला बजट होग। संसद दा बजट सत्र अगले म्हीने दी 12 तरीक तगर चलोग।

<><><><><><>

PM-World Herigate

प्रधानमंत्री नरेंद्र मोदी होर अज्ज संझा 7 बजे नमीं दिल्ली दे भारत मंडपम च विश्व विरासत सरंधी कमेटी दे 46-में सत्र दा उद्घाटन करा'रदे ना। इस मौके ओहू किटु गी संबोधित बी करंगन। भारत पैहली बारी विश्व विरसे सरबंधी बैठका दी मेजबानी करा'रदा ऐ जेड़ी जे इस म्हीने दी 31 तरीक तगर जारी रौह्ग। एहू बैठक साल च इक बार लगदी ऐ ते एहू कमेटी गै विश्व विरासत सरबंधी सब्बै मुहें दा प्रबंधन ते इस विरसे दी लिस्ट च औने आहिलियें थाहरें दा बी फैसला लैदी ऐ। बैठक दौरान विश्व विरासती लिस्ट च नमियें थाहरें दे ना देने सरबंधी प्रस्ताव, अंतरराष्ट्रीय मदाद ते इस गितै दित्ते जाने आहली मदाद गी इस्तेमाल करने ते होरनें चीजें उप्पर चर्चा कीती जाग। अपने संदेश च प्रधानमंत्री मोदी होरें आखेआ जे इस कमेटी दी मेजबानी करा रदा ऐ जेड़ा जे बड़ी गै खुशी आहली गल्ल ऐ।

<><><><><><>

PM-Maths

प्रधानमंत्री नरेंद्र मोदी होरें अंतरराष्ट्रीय Maths ओलिम्पियाड च भारत आस्सेआ बेहतरीन प्रदर्शन करदे होई चौथी थाहर हासिल करने पर मान जाहिर कीता ऐ। इक सोशल मीडिया पोस्ट च मोदी होरें आखेआ जे भारतीय दल नै 4 सुन्ने दे, इक चांदी दा तगमा जित्तेआ ऐ। उनें आखेआ जे इस उपलब्धि कन्नै युवा प्रेरित होइन ते एहूदे कन्नै Maths गी होर लोकप्रिय बनाने च बी मदद थ्होग।

<><><><><><>

Japan- Bankruptcies

दिल्ली पुलस नै कल्लै थवां शुरू होआ रदी कांवड यात्रा थवां पैहले यातायात परामर्श जारी कीता ऐ। दिल्ली च बड़ी मती गिनतरी च कांवड यात्रिएं दे पुज्जने दी संभावना ऐ। इंदे चा किश दिल्ली दे रस्ते हरियाणा ते राजस्थान जांगन। इस बरे कांवडियें दी गिनतरी 15 लक्ख थवां 20 लक्ख तगर रौह्ने दा अनुमान ऐ। दिल्ली पुलस नै कांवडियें दे औने ते आम लोकें दी सुविधा गी दिक्खदे होई व्यापक इंतजाम कीते ना। लोकें गी वैकल्पिक रस्ते दा इस्तेमाल करने दी सलाह दित्ती गई ऐ। हालांकि सिटी बस सेवा तय रस्ते पर गै चलोग।

<><><><><><>

PM-Kharge

प्रधानमंत्री नरेंद्र मोदी होरें कांग्रेस अध्यक्ष ते राज्यसभा च विपक्ष दे नेता मल्लिकार्जुन खड्गे होरें गी उंदे जन्मदिन पर मुबारकबाद दित्ती। खड्गे होर अज्ज 82 बरें दे होई गए ना। प्रधानमंत्री होरें इक सोशल मीडिया पोस्ट च खड्गे हुंदे लम्मे ते सेहतमंद जीवन दी कामना कीती। कांग्रेस सांसद ते लोकसभा च विपक्ष दे नेता राहुल गांधी होरें बी खड्गे होरें गी उंदे जन्म दिन पर शुभकामनां दित्तियां। इक सोशल मीडिया पोस्ट च उनें खड्गे हुंदी नरोई सेहत दी कामना कीती।

<><><><><><>

Kerala

केरल दे मल्लपुरम जिले च निपाह वायरस कन्नै संक्रमित 14 बरें दे इक बच्चे दी अज्ज बडुलै मौत होई गई। एह बच्चा कोझिकोड मेडिकल कॉलेज अस्पताल च वेंटिलेटर पर हा। बडुलै 10 बजिये 50 मिंटे पर उसी दिल दा दौरा पेया, औहदे बी.पी च गिरावट आई ते अंदरूनी रक्ताव दी वजह कन्नै औदी मौत होई गई। निपाह प्रोटोकॉल मुजब औदा खीरी संस्कार कीता जाग। कोझिकोड विषाणु विज्ञान प्रयोगशाला ते पुणे स्थित राष्ट्रीय विषाणु विज्ञान संस्थान आस्सेआ कीते गेदे परीक्षणें मगरा कल इस बच्चे दे निपाह सोयां संक्रमित होने दी पुष्टि होई ऐ। एहदी संपर्क सूची च लगभग 246 लोक न जिंदे च 63 मते जोखिम आली श्रेणी च न। सेहत अधिकारिएं लोकें गी सौहगा रौहने ते सुरक्षा सरबन्धी नियम कायदे दा पालन करने दा आग्रह कीता ऐ।

<><><><><><>

Indian-Students BSF

सीमा सुरक्षा बल-बीएसएफ नै दस्सेया ऐ जे नेपाल दे त्रै विद्यार्थिएं सने घटोघट्ट 373 भारतीय विद्यार्थिएं कल बांगलादेश सोयां त्रिपुरा च 2 एकीकृत जांच चौकियें गी पार करी लैता ऐ। बांगलादेश च पिछले किश दिनें सोयां चला'रदे कोटा विरोधी हिंसक आंदोलन ते बिगड़दी कनून बवस्था दी स्थिति करी छात्र वापस अपने मुल्ख परतोआ रदे हे। मीडिया गी संबोधित करदे होई त्रिपुरा फ्रंटियर दे आई.जी पटेल पीयूष पुरषोत्तम दास होरें दस्सेया जे लगभग 300 छात्र सोनामुरा जिले दे श्रीमंतपुर एकीकृत चेक पोस्ट सोयां परतोए न जिसले कि 76 अखौरा चौकी सोयां आए। उनें आखेआ जे 300 छात्रें दा इक होर जत्था अज्ज मुल्ख परतोग। बांगलादेश च बड़ी मती गिनतरी च भारतीय छात्र मेडिकल दी पढाई करा रदे न।

<><><><><><>

Japan- Bankruptcies

जपान च मौजूदा बरे दी पैहली छमाही च लागत बढने, श्रम बल दी कमी ते माली सहयोग घटाने कन्नै दिवालिया होने आहली कंपनिएं दी गिनतरी च 22 फीसद दा बाद्दा होआ ऐ। इक शोध सरबन्धी कंपनी मुजब जनवरी सोयां जून दी अवधि च 4 ज्हार 887 कंपनियां दिवालिया होइयां। एह गिनतरी 2014 मगरा सब्बनें थ्वां मती ऐ। खबरें मुजब इस अवधि च लौहके ते भलेयां लौहके कारोबार सब्बनें थ्वां मते प्रभावित होए।

<><><><><><>

Foreign-Investment

जुलाई दे पैहले त्रै हफ्तें च विदेशी निवेशकें भारतीय पूंजी बजार च 44 ज्हार करोड़ रपे थ्वां मते दा निवेश कीता ऐ। विदेशी पोर्टफोलियो निवेशक एफ.पी.आई मुजब निवेशकें 30 ज्हार 772 ज्हार करोड़ रपे भारतीय शेयर बजारें ते 13 ज्हार 573 करोड़ रपे दौहार कर्जे सरबन्धी बजार च पाए न। अजें तगर इस म्हीने भारतीय पूंजी बजार च 44 ज्हार 345 करोड़ रपे दा शुद्ध निवेश होई चुके दा ऐ। जून म्हीने च शेयर बजारें च 26 ज्हार 565 करोड़ रपे दा निवेश होआ हा। एहदे थ्वां पैहले एफ.पी.एफ नै 25 ज्हार 546 करोड़ रपे मई च ते 8 ज्हार 700 करोड़ रपे अप्रैल च कड़े हे।

<><><><><><>

CBI-NEET

केंद्री जांच ब्यूरो-सीबीआई नै नीट अंडर ग्रैजुएट पर्चा लीक मामले च होर त्रै जनें गी गिरफ्तार कीता। इंदे चा दऊं जनें राजस्थान च भरतपुर मेडिकल कालेज दे विद्यार्थी न। तकनीकी सर्वेक्षण थमां इस गल्लै दी तसदीक होई ऐ जे एहू दौनें 5 मई गी म्तेहान आले दिन झारखंड दे हजारीबाग च मजूद हे। गिरफ्तार कीते गेदे त्रीये जने पर आरोप ऐ जे ओहू इस पर्चा लीक दा षड्यंत्र रचने आले गी हर चाल्ली दी मदाद देआ'रदा हा।

<><><><><><>

Delhi Police Special Cell

दिल्ली पुलिस दे विशेष सेल नै जाली नोटं दे प्रचलन कन्नै जुड़े दे इक अंतरराष्ट्रीय गिरोह दे 2 प्रमुख सदस्ये गी गिरफ्तार कीता ऐ। आरोपिये थवां 500 रुपे दे 2 लख 91 ज्हार रुपे दे जाली नोट बरामद कीते गए। एहूदे अलावा तस्करी आस्तै इस्तेमाल कीते जा'रदे सिम कार्ड सने 5 मोबाइल फोन आरोपिएं थवां थ्होए न। पुलिस नै दस्सेया ऐ जे जाली मुद्रा इस गिरोट आस्सेआ गोआंडी मुख्य थवां पैहले बिहार आहनी जंदी ऐ। फिर उसी दिल्ली सने मुख्य दे होर हिस्सें च पजाई दित्ता जंदा ऐ।

<><><><><><>

Bangladesh

बांग्लादेश दी सुप्रीम कोर्ट नै सिविल सेवाएं च विवादित आरक्षण बवस्था पर उच्च न्यायालय दे आदेश गी अवैध दस्सदे होई उसी रोक लाई दित्ती ऐ। न्यायालय नै प्रदर्शनकारी विद्यार्थीएं सोयां क्लासें च वापस परतौने लेई ऐ। उच्च अदालत आदेश मगरा मुख्य भरै च झड़प्फां होइयां जिंदे च सौ थवां मते लोकें दी जान गेई ऐ। सुप्रीम कोर्ट दे फैसले मुजब 1971 दे युद्ध च स्वतंत्रता संग्राम दे सैनालिएं दे वंशजें आस्तै सिविल सेवा नौकरिये च आरक्षण हुन 30 फीसद दी थाहर छड़ा 5 फीसद गै रौहग। यूनिवर्सिटीज़ च विद्यार्थी 30 फीसद आरक्षण दी बवस्था गी फर्कोफकी आला दस्सदे होई विरोध प्रदर्शन करा रदे हे। प्रधानमंत्री शेख हसीना सरकार नै 2018 च इस कोटला प्रणाली गी खत्म करी दित्ता हा पर उच्च न्यायालय नै सरकार दे इस आदेश गी अवैध घोषित करी दित्ता हा।

<><><><><><>

Women-Cricket

महिला एशिया कप टी-20 दा मुकाबले च भारत नै यू.ए.ई गी 78 रन कन्नै हराइयै जित्त हासिल कीती। यू.ए.ई नै टॉस जित्तेया। भारत नै बल्लबाजी करदे होई 5 विकेटें दे नुकसान पर 201 रन बनाए, परते च यू.ए.ई दी टीम नै त 20 ओवरें च 7 विकेटें दे नुकसान पर 123 रन बनाए। भारत दी भेठा कप्तान हरमनप्रीत नै 66 ते रिचा घोष नै 64 रन बनाए।

<><><><><><>

IMD

मौसम विभाग नै गुजरात च अज्जै थमां 25 तरीक तगर ते उत्तराखंड च अज्ज ते कल बड़ी मती बरखा पौने दी पेशगोई कीती ऐ। मौसम विभाग नै अगले 5 दिनें च कोंकण ते गोवा, मध्य महाराष्ट्र, गुजरात, मध्य प्रदेश च बक्ख-बक्ख थाहरें च बड़ी मती बरखा होने दी संभावना जताई ऐ। छत्तीसगढ़ ते तटीय ते आंतरिक कर्नाटक, केरल, माहे, मराठवाड़ा, तटीय आंध्र प्रदेश ते तेलंगाना च अज्ज तेज बरखा पौने दी पेशगोई कीती ऐ। मौसम विभाग नै दस्सेया ऐ जे अगले 5 दिनें दौरान पूर्वोत्तर भारत च दरम्याने दर्जे दी बरखा ते किश थाहरें पर तेज बरखा होई सकदी ऐ।

<><><><><><>

Guru-Purnima

अज्ज गुरु पूर्णिमा दा पर्व मनाया जा'रदा ऐ। अज्जै दे ध्याड़े लोक अपने गुरूएं ते आचार्यें दा आभार प्रगट करदे न जिंदे मार्गदर्शन, शिक्षाएं ते आशीर्वाद नै उंदे जीवन गी इक नमीं दिशा दित्ती दी ऐ। अज्जै दे ध्याड़े गी व्यास पूर्णिमा दे तौर पर बी मनाया जंदा ऐ। प्रधानमंत्री नरेंद्र मोदी होरें अज्ज गुरु पुन्नेया दे मौके पर देशवासिएं गी शुभकामनां दित्तियां न। देसै दे होरनें हिस्सें आंगर गुरु पुन्नेया दा पर्व जम्मू संभाग दे बक्ख-बक्ख हिस्सें च बी पूरी धार्मिक श्रद्धा कन्नै मनाया जा रदा ऐ। इत्त सरबंध्यै च राज गुरु गद्दी श्री दशनामी अखाड़ा ते भीरम शाह गद्दी अरी मेंढर पुंछ च सैकड़ां बदे लोकें कार्यक्रम च हिस्सा लैता। इस मौके पर श्री दशनामी अखाड़ा पुंछ दे इक सेवक अरूण कुमार होरें आकाशवाणी कन्नै खास गल्लबात कीती।

<><><><><><>

JK-Amarnath

जंदी 29 जून थमां शुरू होई दी श्री अमरनाथ जी दी यात्रा दरान अजें तोहड़ी पिच्छले 22एं दिनें च 3 लक्ख 86 ज्हार शा मते श्रद्धालुएं बाबा बर्फानी दे दरबार च मत्था टेकी लैता ऐ। आकाशवाणी दे जम्मू संवाददाता मुजब 3 ज्हार 113 अमरनाथ श्रद्धालुएं दा 23मां जत्था अज्ज बडुलै मुंह-न्हरे 123 गड्डिएं दे काफिले च भगवती नगर यात्री निवास थमां कश्मीर घाटी लेई रवाना होआ हा। इंदे चा 1 ज्हार 153 तीर्थ यात्री बालटाल लेई जिसले के 1 ज्हार 960 तीर्थ यात्री श्री अमरनाथ जी दी यात्रा दे पैहलगाम आले रिवायती रस्ते राहें यात्रा लेई रवाना होए जित्थुआं कल ओहू अमरनाथें दी गुफा लेई अपनी अगगे दी जात्तरा शुरू करडन। इस बरे श्री अमरनाथ जी दी एहू यात्रा 52एं दिनें तोहड़ी चलोग ते 19 अगस्त गी रक्खड़ पुन्नेया आले दिन सम्पन्न होग।

<><><><><><>

Shiv Khorī Savan

रियासी दी रनसू थाहर च स्थित शिवखोड़ी तीर्थ स्थान पर कल्लै थमां शिवखोड़ी श्रावण महोत्सव शुरू होआ करदी ऐ। एहू श्री शिवखोड़ी श्राइन बोर्ड रनसू ते सैलसफा निदेशालय जम्मू दी इक अनौखी पैहलकदमी ऐ। सोहन दे म्हीने दरान लग्गने आला एहू आयोजन सब्बनें सोमवारें बड़ी धूमधाम कन्नै मनाया जाहग कीजे हिंदु मान्यता मताबक सौहन म्हीने दे सोमवारें गी बड़ा गै पवित्तर मन्नेया जंदा ऐ। आयोजकें मेद जाहर कीती ऐ जे

सोहन दे म्हीने दरान आयोजित होने आले एहू बड़े सांस्कृतिक कार्यक्रम श्रद्धालएं लेई आकर्षण दा बड़ा बड़ा केंद्र होडन ते इंदे राहें उनेंगी बक्ख-बक्ख धार्मिक गतिविधिएं जिआं शिव पुराण दी कथा, भजन-कीर्तन, भगवान शिव हुंदे पर आधारित नाटके ते होरनें धार्मिक कार्यक्रमें च शामिल होने दा मौका मिलोग।

<><><><><><>

DG-BSF

सीमा सुरक्षा बल-बीएसएफ दे डरैक्ट जनरल नितिन अग्रवाल होरें जम्मू अंतराष्ट्रीय बन्ने पर बनी दी सुरक्षा स्थिति दा जायजा लैता। ओहू बीएसएफ जम्मू फ्रंटियर दे दऊं दिनें दे दौरे पर कल इत्थे पुजे हे। बीएसएफ दी पच्छमी कमान दे एस.डी.जी वाई.बी खुरानिया, बी.एस.एफ जम्मू दे आई.जी डी.के बूरा ते होरनें सीनियर ऐहलकारें बी सुरक्षा हालात बारै डी.जी नितिन अग्रवाल हुंदे नै गल्लबात कीती। आई.जी बूरा होरें उनेंगी जम्मू बन्ने पर बीएसएफ दिएं रणनीतिएं ते सुरक्षा सरबन्धी महत्वपूर्ण पैहलुएं बारै जानकारी दिती। बीएसएफ दे महानिदेशक होरें फौज, जम्मू-कश्मीर पुलस ते होरनें केंद्री थेआरबंद पुलस बलें कन्नै लाई गेदी इक सांझी सुरक्षा जायजा बैठक च बी हिस्सा लैता। एहदे अलावा उनें जम्मू-कश्मीर दे लेफ्टिनेंट गवर्नर मनोज सिन्हा हुंदे नै बी मलाटी कीती।

<><><><><><>